

Hannah Arendt (1958 : 178-79, 184-86) hà avutu a ragiò d'insiste nant' à u postu centrale ch' occupanu l' interazione in a messa in valore di i pruggetti purtati da l' attori in u ghjocu puliticu maiò. Isse interazione sò d' altronde fundamentele in u palisà di e varie pusizione, chi senza quesse sarà difficile di agisce in cunniscenza piena di a situazione. Menu a legittimità di e forze in presenza sarà contestata, più li sarà pussibile d' aduttà decisione chi cstringhjenu. Dunque, i vantaghji ch' ella porgheja a formula federale ùn facenu dubitu manc' à pena : d' una banda, partecipeghja à spezza l' autorità pulitica è; d' un' altra banda, furnisce elementi costitutivi d' una democrazia multinazionale, varii punti d' un' entrata chi permette di furalizà e so attese e so rivendicazione.

A LEGITIMITÀ

Pierre Calame ramenta cù ghjustezza in « di a legalità à a legittimità di a guvernanza »⁶ chi l' attori pulitichi ùn agiscenu micca sempre in modu murale à bastanza è ancu chi certe volte intervenenu in modu dannificu à u benestà di e cumunità differenziate indrentu à i Stati cumplessi. Ecu una citazione : « In i regimi democratici si face cumu s' è a legalità di l' eserciziu di u pudere, vene à di a so cunfurmità cù e lege, bastassi ad assicurà ne a legittimità. Or a legittimità hè una nuzione assai più sugnata è sprime l' adesione profonda di a pupulazione à a manera ch' ella hè guvernata. Or si vede à pena in ogni parte di u mondu ch' ellu ingrandu a fossu trà legalità è legittimità di u pudere » (Calame, 2003).

I varii capituli chì cumpunenu stu libru anu permessu di fà spicà chjaru chjaru un scrochiu interpretativu impurtante in i travagli di pulitica apparagunata. Ind' è parecchi autori cuntempuranei, hè assai menu quistione di legittimità – micca sempre facile à misurà – è assai più di prucedimenti di legittimazione da valè si l' appoghju di i partenarii indrent' à un Statu datu. A l' accorta, ciò chì preoccupa, hè di più a manera chì l' attori facenu per legittimà quelli chì t' anu u pudere puliticu è dinù l' affaccà di novi cuncetti chì permettenu di mette li à l' agrottu da e critiche è rimesse in quistione. Un hè senza significatu di rimarcà l' energia messa da l' attori pulitichi in pusizione d' autorità per ghjuvà si di formule nove chì ripruducenu tant' è più listessi raporti di forza, benchi sott' à una parolla nova (Gagnon, 2015b). Tandù, in cuntestu simile canadianu, u federalismu hè statu qualificatu, trà altru, di cuoperativu, cunsensuale, cuordinatu, efficace, trà di Stati, infirà di Statu, perfurmante, rentevule o territorialiale.

Longu à i dui ultimi decenni, à favore di i dibattiti chì si facianu indrent' à l' Unione Europaa, hè statu quistione assai di guvernanza bona (Gagnon, 2015b : 5-19). Or, ognuna d' isse declinazione (federalismu cuoperativu, esecutivu, cuordinatu, è cet.) cunferma una tendenza pisia cuncistendu à riduce u federalismu à una spresione ghjerarchica è tecnica per urganizà e rilazione di pudere, nanzu ch' à imaginà raporti equitativi trà e cumunità pulitiche à l' origine stessa di e federazione. I travagli di Jorge Cagiao y Conde ghjunghjenu à puntu quandu l' autore rileva zone d' ombra impurtante in u duminu di i studii federali :

6. Si cunsulterà ancu cun interessu u so libru intitulatu *La démocratie en miettes* (Calame, 2002).

« L' accostu duminante trascura u sustrattu sucilogicu legittimante in i sistema federativi è hà cusi tendenza à spulizà e rilazione trà i livelli federale è federatu. [...] A quistione si pone cusi di sapè s' è a logica di u federalismu un esige micca, à contr' à corrente di e tese duminante, un vultu à un' avvicinanza sucilogica, più attente à a tensione è à e fonte di legittimazione chi fondu è animeghjanu a federazione » (2015 : 114).

Longu à s' assaghju puliticu, aghju rispostu di sì à issa quistione pertinente assai mossa da Cagiao y Conde dirigendu in priurità u fasciu di lume nant' à a parte determinante di e cumunità pulitiche à l' origine stessa di u pattu federale è chì devenu esse in cunsequenza ancu à l' origine di qualsiasi riforma custituzionale legittima. Cagiao y Conde hà messu in evidenza, cumu aghju cercu à stabilisce la, in i travagli, sputichi mei, ch' in

« rintrudendu a nuzione di legittimità pulitica spatica di i cuntesti attraversati da u pluralismu puliticu [è nazionale], u ritratu sucilogicu permette di cumpiglià megliu e resistenze ch' omu trova benintesu in u livellu federatu in ciò chì cuncerna e cumpetenze ch' ellu intende di duvè ritene, è di schisà cusi i ghjudicamenti troppu rapidi chì, sempre troppu spesso, dinunzianu u pretesu caratteru cunservatore o retrogradu d' issi muvimenti di resistenza in i cuntesti federativi » (2015 : 127).

À l' accorta, prima di pensà à l' inghjochi istituzionali, hè impurtante di riflette à i raporti intercunmutarii è à i bisogni di e cumunità pulitiche chì fondu è venenu prima isse istituzione federali custindii.

ASPIRAZIONE È LIMITI

Campemu in un mondu chì hè più prontu à girà u spinu à e pulitiche identitarie è à rivendicazione pulitiche in u livellu supranazionale per impone pruggetti di natura integratrice è unifurmizatrice. À scala più bassa, si vede à u cuntrariu spuntà varii muvimenti suciali pè a ricunniscenza di l' identità minoritarie (razzizzate, generizzate, intersezziunale).⁷

Spessu, à u livellu di u Statu centrale, i dirigenti pulitichi volenu impone listesse regule à tutti, qualunque fussinu e cundizione di vita è l' aspirazione legittime di i socii di e varie cumunità pulitiche chì formanu u corpu puliticu.

Questa pò piglià forme diferente. In u Canada, a spresione ch' omu sente più spessu hè : *una provincia hè una provincia*, hè *una provincia* – un statutu speciale pè u Chebecu hè dunque consideratu cun suspetu è penseru da parecchi. In Spagna, a spresione cunsacrata hè *café para todos*, ciò chì palesa ancu un malesse di pettu à e regione è e cumunità ch' insistenu per instaurà un mudellu di guvernanza specifica in materia di cultura, di lingua, di territoriu è d' indiatuura cittadina per questa o quella di e cumunità autonome.

In Spagna sempre, dopu à avè messu in postu una seria di misure vulendu accumudà una diversità più prufonda (vene à di una diversità fundata nant' à u pluralismu

7. Si vea trà altri i travagli di Geneviève Pagé (2017) è Rosa Pires (2019) pè un' analisi approfondita d' issu fenomenu.